



醫
林
蒙
求

下

中
98
3止



武
28
止



醫林蒙求卷下

標題

軒皇六臣	周代三氏	彥通雞雛	士茂蛤子
許子烝湯	叔紹澆水	子駿四家	劉德千里
馬師疾龍	張公老猿	仁傑疣贅	洞玄癩痕
文伯雙胎	叔微離魂	春甫醫統	子和儒門
慎微證類	劉翰論候	貫之白及	贊能赤豆
劉安枕中	崔文肘後	李修鮮麗	先庭領袖
山谷兔絲	廬陵車前	仲南碧山	周真玉田
彥明一等	懷隱三遷	大明日華	起宗空玄

醫林蒙求卷下 標題

李畋爆竹 守堅祀棗 王氏種德 溫生助道

張渙妙選 用和祕審 張景醫說 吳昆方考

淳干五女 扁鵲二兄 簡文勸醫 嵇康養生

臺佟存神 韓康避名 張湛六物 蕭炳四聲

康祖熱劑 宗序冷服 莫生取鈎 閻氏出鏃

范蠡御桂 王喬服菊 冑堂準繩 東壁綱目

寇奭六失 張銳十全 李挺入門 嘉謨蒙筌

原禮要訣 天氏正傳 劉元赤水 薊京玉泉

公綽醫箴 彥博藥準 史脫黃疸 董汲班疹

應璩三隻 魯直四印 楊倓蠅娘 仲賓蚯蚓

沈括靈苑 李筌陰符 顧俊孝友 沈鶴義夫

樊阿青黏 開道茶蘊 叔讓南藤 徐熙胡蘆

和論六氣 緩察二賢 秦觀黃連 宗元鍾乳

仲堪眇目 文修割股 慈濟黑錫 錢乙黃土

洪濟指南 希賜拜西 咎生刺柑 邢氏進梨

大用水蛭 梁新竹雞 遵道溶蠟 元達粉犀

孝伯九鹽 昏臣八疾 史生紫苑 莫氏紅橘

陳攷服棗 蕪輟食粟 薛己十六 王璆百一

盛母蟻螯 顏嫂蚺蛇 吳球蛆蟲 趙巒蝦蟆

神應八處 濟生四花 呂復倒植 吉老正斜

景元贊苓 肩吾啓木 安時敗扇 九思新筆

張苗桃葉 廷紹楮實 龔信醫鑑 江喆藥室

吉甫御餌 君卿戾績 伯仁鬼胎 任度蛇形

范益察妖 秋夫通靈 子厚周易 玄平孝經

醫林翹翹 伐柯不易 將闢茅塞 何必求備

醫林蒙求卷下

肥後 樋口器季成 撰

紀府 菊池元習博南校

軒皇六臣 周代三氏

黃帝者少典之子，姓公孫，名曰軒轅，生而神靈，弱而能言，幼而徇齊，長而敦敏，成而聰明，有土德之瑞，故

號黃帝。史記內經一書，迺黃帝與岐伯、鬼臾區、伯高、少

師、少俞、雷公等六臣，平素講求而成。類經

楊朱之友曰李梁，李梁得疾，七日大漸，其子環而泣

之，請醫。李梁謂楊朱曰：吾子不肖，如此之甚，汝奚不

為我歌以曉之楊朱歌曰天其弗識人胡能覺匪祐
 自天弗孽由人我乎汝乎其弗知乎醫乎巫乎其知
 之乎其子弗曉終謁三醫一曰矯氏二曰俞氏三曰
 盧氏診其所疾矯氏謂李梁曰汝寒温不節虛實失
 度病由飢飽色慾精慮煩散非天非鬼雖漸可攻也
 李梁曰衆醫也亟屏之俞氏曰女始則胎氣不足乳
 澶有餘病非一朝一夕之故其所由来漸矣不可已
 也李梁曰良醫也且食之盧氏曰汝疾不由天亦不
 由人亦不由鬼稟生受形既有制之者矣亦有知之
 者矣藥石如汝何李梁曰神醫也重貶遣之俄而李

梁之疾自瘳列矯氏俞氏盧氏並周之良醫也
說醫

彥通雞雛之才蛤子

南齊褚澄字彥通建元中為吳郡太守百姓李道念
 以公事到郡澄見謂曰汝有重病答曰舊有冷疾至
 今五年衆醫不差澄為診脉謂曰汝病非冷非熱當
 是食白淪雞子過多所致令取蘇一升煮服之始一
 服乃吐出一物如外涎裏之動開看是雞雛羽翅爪
 距具足能行走澄曰此未盡更服所餘藥又吐得如
 向者雞十三頭而病都差當時稱妙南史
 北齊徐之才丹陽人也父雄事南齊位蘭陵太守以

醫說蘇
 作蒜又
 入門作
 煮蘇汁
 一斗飲
 之吐涎
 升許又
 按夷堅
 志所載
 雷州民
 康財妻
 用雞肉
 挑生與
 此條相
 似

醫術為江左所稱之才幼而傷發明悟多通年十三
 召為大學生通禮易大善醫術兼有機辨藥石多效
 官尚書令西陽郡王有人患脚跟腫痛諸醫莫能識
 之才曰蛤精疾也由乘船入海垂脚水中疾者曰寔
 曾如此之才為剖得蛤子二大如榆莢即愈北齊書

許子丞湯

叔紹澆水

許胤宗常州義興人也初事陳為新蔡王外兵參軍
 柳太后病風不言名醫治皆不愈脉益沉而噤胤宗
 曰口不可下藥宜以湯氣薰之令藥入腠理周理即
 差乃造黃芪防風湯數十斛置於牀下氣如煙霧其

按新唐書柳太后作王太后然王皇后廢帝配也而無為太后之事恐非

按華佗別傳有灌寒水療婦人長病之類

夜便得語由是超拜義興太守陳亡入隋歷尚藥奉
 御武德初累授散騎侍郎時關中多骨蒸病得之必
 死遞相連染諸醫無能療者胤宗每療無不愈陳書
 南宋直閣將軍房伯玉治服玉石散十許劑無益更
 患冷夏月常複衣徐嗣伯為診之曰卿伏熱須以水
 發之非冬月不可至十一月冰雪大盛之時令二人
 夾捉伯玉解衣坐石上取冷水從頭澆之盡二十斛
 伯玉口噤氣絕家人啼哭請止嗣伯遣人執杖防閣
 敢有諫者撻之又盡水百斛伯玉始覺能動而見背
 上彭彭有氣俄而起坐曰熱不可忍乞冷飲嗣伯以

水與之一飲一升病都差自爾恒發冬月猶單禕衫體更肥壯南史

子駿四家

劉德千里

漢劉歆字子駿向少子也少通詩書能屬文為黃門侍郎至中壘校尉王莽篡位為羲和京兆尹卒七畧曰論方技為四家有醫經家有方家有房中家有神仙家漢書

晉劉德彭城人也少以醫方自達長以方術知名當朝搢紳伏膺附響工治衆疾於虛勞不足尤見精通療之隨手而愈承流向風千里而來者多矣官至太

醫校尉晉書

馬師疾龍

張公老猿

獸醫出周禮

馬師皇者黃帝時醫獸者也善知馬形氣生死之診治之輒愈後有龍下向之垂耳張口師皇曰此龍有病我能已之也乃鍼其唇及口中以甘草湯飲之而愈又數數有龍出其陂造而治之一旦龍負之而去不知所之列仙傳龍作疾龍醫學源流

張機字仲景南陽人受業于張伯祖精于治療一日入桐柏覓藥艸遇一病人求診仲景曰子之腕有獸脉何也其人以實具對乃罾山穴中老猿也仲景出

囊中丸藥界之一服輒愈明日其人肩一巨木至曰此萬年桐也聊以相報仲景斲為二琴一曰古猿一曰萬年疏古琴

仁傑疣贅

洞玄癥痕

唐狄仁傑字懷英性好醫藥尤妙鍼術顯慶中應制入關路傍大榜云能療此兒酬絹千疋有富家兒鼻端生贅如拳石綴鼻根帶如筋痛楚危亟公為腦後下鍼疣贅應手而落其父母卒千緡奉焉公不顧而去集異記

唐李洞玄善醫高宗在長孫皇后腹三年不產皇后

名醫傳
畧意安
吉田先
生撰

文伯雙胎

叔微離魂

徐文伯從宋後廢帝出樂遊苑門逢一婦人有娠帝亦善醫診之曰此腹是女也問文伯曰腹有兩子一

憂心痿憤成病醫療轉甚後詔李洞玄醫之奏曰腹中聖子以手拗母心藥不能差須下針又奏曰下鍼須一死若存子即母去若存母即子喪太宗云可留子即國祚興留母即國祚斷洞玄奉勅進止隔衣於右脇任鍼穿心刺太子手尋放誕太子皇后命終太子在東宮日每至天陰患左手疼痛看時似有癥痕遂問左右左右皆奏聞應是李洞玄下鍼之處名醫畧傳

男一女男左邊青黑形小於女帝性急便欲使剖文伯惻然曰若以刀斧恐其變易請鍼之胎自落便瀉足太陰補手陽明胎便應鍼而落兩兒相續出果如其言宋史

宋許叔微曰紹興癸丑有董生者患神氣不寧每卧時魂飛揚覺身在牀而神魂離體驚悸多厭通夕無寐更數驚而不效予為診視詢之曰醫作何病治董曰眾皆以為心病予曰以脉言之肝經受邪非心病也肝經因虛邪氣襲之肝藏魂者也遊魂為變平人肝不受邪故卧則魂歸於肝神靜而得寐今肝有邪

魂不得歸是以卧則魂揚若離體也肝主怒故小怒則劇董欣然曰前此未之聞雖未服藥已覺沈疴去體矣願求藥法予曰公且持此說與眾醫議所治之方而徐質之閱旬日復至云醫徧議古今方書無與病相對者予乃處二方以贈服一月而病悉除本事方

春甫醫統 子和儒門

明徐春甫字汝元號東臯新安人家世業儒少通儒學博綜群籍性高邁爽愷言論疊疊不倦有古逸士風晚精軒岐家書且夕揣摩其理即一診一視一方一藥必窮其要領而後用著古今醫統一百餘卷明醫

史小

金張從正字子和，睢州考城人，精於醫，貫穿難素之學。其法宗劉守真。史金河間探內經之秘，大揚其道。于大定明昌間，而宛丘張子和益發揮，而衍繹之。子和有神醫之名，自稱曰戴人。興定中召補大醫，居無何辭去，蓋非其好也。於是退而與麻知幾常仲明輩，日遊灑水之上，講明奧義，辨析玄理，遂以平日聞見及嘗試之效，輯為一書，名之曰儒門事親。史醫

慎微證類

劉翰論候

宋唐慎微不知何許人，傳其書者，失其邑里族氏，避

御諱，改謹微。因其見聞之所迨，博采而備載之。於本草圖經之外，又得藥數百種，益以諸家方書與經子傳記佛書道藏，凡該明乎物品功用者，各附於本藥之左。其為書三十有一卷，目錄一卷，六十餘萬言。名曰經史證類備急本草，察其為力亦勤矣。而其書不傳，世罕言之。迨宋大觀中，集賢孫公得其本而善之，邦計之暇，命官校正，與本經及名醫別錄、唐本圖經，與刊定重定會集成一，募工鏤板，以廣其傳，謂之大觀本草。醫學源流

宋劉翰，滄州臨津人，世習醫業，初攝護國軍節度巡

官周顯德初詣闕獻經用方書三十卷論候十卷今體治世集二十卷世宗嘉之命為翰林醫官其書付史館再加衛尉寺主簿太祖北征命翰從行建隆初加朝散大夫鴻臚寺丞時太祖求治事皆覈實故方技之士必精練乾德初令太常寺考校翰林醫官藝術以翰為優絀其業不精者二十六人自後又詔諸州訪醫術優長者藉其名仍量賜裝錢所在厨傳給食遣詣闕閱審五年太宗在藩邸有疾命翰與馬志視之及愈轉尚藥奉御賜銀器緡銀鞍勒馬閱審中兩受詔與道士馬志翰林醫官翟煦張素吳復圭王

光祐陳照遇安士良等九人詳按諸本撰閱寶本草二十卷宋史

貫之白及 質能赤豆

台州獄吏憫一大囚囚感之囚言吾七次犯死罪遭訊拷肺皆損傷至干嘔血人傳一方只用白及為末朱飲日服其効如神後其囚陵遲創者剖其胸見肺間竅穴數十處皆白及填補色猶不變也洪貫之聞其說赴任洋州一卒忽苦咯血甚危用之救之一日即止也夷堅志

宋仁宗在東宮時嘗患胙腮命道士質能治療取赤

小豆四十九粒，咒之，雜他藥為末，傳之而愈。中貴任承亮在傍，知狀，後承亮自患惡瘡，濱死，尚書郎傳求授以藥，立愈。問其方，赤小豆也。承亮始悟道士之技，所謂誦咒乃神，其術爾，其法細末水調，傳及四傍，赤瘡藥落，再傳之。夷堅志類編

劉安枕中

崔文肘後

淮南子者，淮南王劉安也，通醫道，妙黃白之術，嘗作內書二十篇，外書甚多。醫說典論云劉德治淮南王獄，得枕中鴻寶祕書，及子向感而奇之，信黃白之術，可成，謂神仙之道可致，卒亦無驗，乃以罹罪也。博物志

崔文子肘後經，又李先生口訣肘後二卷。抱朴子

李修鮮麗

光庭領袖

李修字思祖，本陽平館陶人也。父亮少精醫術，大為廳事，以舍病人死者，則就棺殯，親往吊視，累遷府參軍。修遵父業，魏孝文帝時，歷位中散令，以功賜爵下蔡子，遷給事中，太和中，常在禁內，文明太后時，有不豫，修侍針藥，有效，賞賜累加，車服第宅，號為鮮麗。集諸學士及工書者百餘人，在東宮，撰諸藥方百卷，皆行於世。後魏書

杜光庭者，縉雲人，咸通中進取不利，入天台山學道。

應制為道門領袖僖宗時從幸興元後隱於青城山蜀王建封為廣成先生卒年八十五人以為尸解云撰玉函經上下卷醫學源流

山谷兔絲 盧陵車前

黃山谷與王子均書云承示尊體多不快亦是血氣未定時失調獲耳某二十四五時正如此因服兔絲子遂健啖耐勞此方久服不令人上壅服三兩月其啖物如湯沃雪半歲則太肥壯矣若覺氣壅則少少服麻仁丸某嘗傳此方與京西李大夫服不輒啜物作勞如少年人也服兔絲子法兔絲子不拘多少用

水淘淨研為細末焙乾用好酒一升浸三日許日中晒乾時時翻令溼盡酒薄攤曝乾貯甕器中每日空心抄一匙溫酒吞下則飲食大進山谷刀筆

歐陽文忠公嘗得暴下國醫不能愈夫人云市人有此藥三文一貼甚效公曰吾輩臟腑與世人不同不可服夫人使以國醫藥雜進之一服而愈召賣藥者厚遺之求其方乃肯傳但用車前子一味為末米飲下二錢匕云此藥利水道而不動真氣水道利則清濁分穀臟自止矣東坡雜記

仲南碧山 周真玉田

元李仲南字迺季號碧山天池人平生無世俗嗜好欲壽雙親與孫允賢著永類鈐方

醫學入門

金周真字子固號玉田隱者儀真人性敏好學元貞間被薦不仕乃取醫書習之每遇奇疾以意與藥輒

效同上

彥明一等

懷隱三遷

宋張彥明新安人善醫僧道貧士軍兵及貧者求藥皆不受錢或反以錢米與之富者以錢求藥亦不問多寡唯期於必效其為人口終不言錢可謂醫人中第一等人矣

醫說

宋王懷隱宋州睢陽人初為道士住京城建隆觀善醫診太宗尹京懷隱以湯劑祇事太平興國初詔歸俗命為尚藥奉御三遷至翰林醫官使初太宗在藩邸暇目多留意醫術藏名方千餘首皆嘗有驗者至是詔翰林醫官院各具家傳經驗方以獻又萬餘首命懷隱與副使王祐鄭奇醫官陳昭遇參對編類每部以階太醫令巢元方病源候論冠其首而方藥次之成一百卷太宗御製序賜名曰太平聖惠方仍令鏤板頒行天下諸州各置醫博士掌之懷隱後數年

卒

宋史

大明日華

起宗空玄

日華本草掌禹錫曰國初開元中明人撰不著姓氏但云日華子大明序集諸家本草述世所用藥各以寒溫性味華實虫獸為類其言功用甚悉凡二十卷時珍曰按千家姓大姓出東萊曰華子蓋姓大名明也

本草序例

元戴起宗字同甫集慶人延祐癸亥為紹興路儒學教授深於醫者也著脉訣刊誤年五十二免官遂志棄名利專以了性了命為事至元元年註疏悟真篇以作序號空玄子

學仙正宗序

李畋爆竹

守堅咒棗

宋李畋鄰人仲叟家為山鬼所祟擲瓦石開戶牖不自安叟求禱之而妖祟彌盛畋謂之曰翁且夜於庭落中若除夕爆竹數十竿叟然其言爆竹至曉寂然安帖遂止

歸田錄

宋薩守堅蜀西河人少學醫誤用藥殺人遂棄醫學虛靜張天師及建昌王拱宸福州林靈素三人道法有咒棗之術治病如神稱曰真人

醫學入門

王氏種德

溫生助道

處士王復家於錢塘為人多技能而醫尤精期於活

人而已不志於利築室候潮門外治園囿作亭榭以與賢士大夫遊惟恐不及然終無所求東坡作種德亭詩遺之東坡集

宋温大明五世行醫淳熙間為保義郎差充殿前司提點諸班醫藥兼和劑局監收買藥材官後棄利名隱居求志取家傳祕方并生平行用有應効圓散及古今諸方良法叶韻成詩謂之隱居助道方服藥須

知源流

張渙妙選 用和祕寶

小兒醫方妙選三卷陳氏曰成安大夫惠州團練使

張渙撰凡四百二十方渙五世為小兒醫未嘗改科

靖康元年自為之序文獻通考

孫氏傳家祕寶方三卷陳氏曰尚藥奉御太醫令孫用和集其子殿中丞兆父子皆以醫名自昭陵時迄于熙豐無能出其右者元豐八年兆弟宰為河東漕屬呂惠卿帥并從宰得其書序而刻之晁氏讀書志作孫尚祕寶方凡十卷同上

張景醫說 吳崑方考

宋張景字李明新安人其伯祖子克以醫顯京洛間受知於范忠宣李明祖子發蓋學於其伯祖而有得

張景世通作景按朝鮮刻本醫說及文獻通考共作景今從之

者也父彥仁繼之李明又繼之著醫說十卷醫說

明吳崑字山甫號鶴臯世為歙澄塘人幼英異不伍

凡兒年十五志醫術且夕取諸家言偏讀之所著有

脉語十三科證治參黃編砭炳考藥纂鍼灸六集人

號參黃子註素問名曰吳註又著醫方考明醫小史

淳干五女 扁鵲二兄

漢文帝四年中人上書言淳干意以形罪當傳西之

長安意有五女隨而泣意怒罵曰生子不生男緩急

無可使者於是少女緹紫傷父之言乃隨父西上書

曰妾父為吏齊中稱其廉平今坐法當刑妾切痛死

者不可復生而刑者不可復續雖欲改過自新其道

無由終不可得妾願入身為官婢以贖父刑罪使得

改行自新也書聞上悲其意此歲中亦除肉刑法史記

魏文侯謂扁鵲曰子兄弟三人孰最善為醫對曰長

兄於病視神未有形而除之故名不出於家中兄治

病其在毫毛故名不出於閭若扁鵲者鏡血脉投毒

藥副肌膚間而名出聞於諸侯鵲冠子

簡文勸醫 嵇康養生

梁太宗簡文皇帝諱綱字世讚武帝第三子昭明太

子母弟也梁書勸醫文云天地之中唯人最靈人之所

按勸醫文淵鑑類函所載與初學記類

醫學叢書 卷之十 醫學叢書

異今權
合其異
同以便
讀者

重莫過於命雖脩短有分年壽懸天然而寒暑及常
嗜慾乖節故瘡寒痲首致弊不同伐斧爛腸摧年匪
一拯斯之要實在良方亦有騷人起詠彭殤秦國稱
和緩李梁之遇盧氏號子之值越人爰至久視飛仙
長生妙道猶變六一於金液改三七於銀丸畜玉匣
之精研紫書之奧桃膠何是北斗靡錄其形金漿非
遠明珠還耻其價能使業門之下鼓舞獨傳雍祀之
傍簫聲猶在周禮疾醫掌萬民之疾病者分而理之
歲中則各書其所以入于醫師知其愈與不愈以為
後法之戒理疾者衆必孟浪酬塞悞人者多愛人者

鮮是則日處百方月為千軸未常不輕其藥性任其
死生淳華之功於何而得及其愛染親屬情切友朋
患起膏肓病興愈附雖欲盡其理切思无所出何以
故然本不素習卒難改變故也胡麻鹿藿纔救頭痛
之病麥麩芎藭暫止河魚之腹思不出位事局轅下
欲求反死者於玄都揚已名於綠籍其可得乎初學記
晉嵇康字叔夜譙國鉅人也常修養生服食之事彈
琴詠詩自足於懷以為神仙稟之自然非積學所得
至導養得理則安期彭祖之倫可及乃著養生論晉書
畧曰世或有謂神仙可以學得不死可以力致者或

醫林彙編 卷之十
云。上壽百二十。古今所同。過此以往。莫非妖妄者。又精神之於形骸。猶國之有君也。神躁於中。而形喪於外。猶君昏於上。國亂於下也。夫為稼於湯世。偏有一溉之功者。雖終歸於焦爛。必一溉者。後枯。然則一溉之益。固不可誣也。而世常謂一怒不足以侵性。一哀不足以傷身。輕而肆之。是猶不識一溉之益。而望嘉穀於旱苗者也。選文

臺佟存神

韓康避名

後漢臺佟字孝威。魏郡鄴人也。隱於武安山。鑿穴為居。採藥自業。建初中。州辟不就。刺史行部。乃使從事

致謁。佟載病往謝。刺史乃執贄見佟。曰。孝威居身如此。甚苦如何。佟曰。佟幸得保終性命。存神養和。如明使君奉宣詔書。夕惕庶事。反不苦耶。遂去。隱逸終不

見後漢書

後漢韓康字伯休。一名恬休。京兆霸陵人。家世著姓。常採藥名山。賣於長安市。口不二價。三十餘年。時有女子從康買藥。康守價不移。女子怒曰。公是韓伯休耶。乃不二價乎。康嘆曰。我本欲避名。今小女子皆知有我焉。何用藥為。乃遯入霸陵山中。同上

張湛六物

蕭炳四聲

晉范寧嘗患目痛就中書侍郎張湛求方湛因朝之曰古方宋陽里子少得其術以授魯東門伯魯東門伯以授左丘明遂世世相傳及漢杜子夏鄭康成魏高堂隆晉左太冲凡此諸賢並有目疾得此方云用損讀書一減思慮二專內視三簡外觀四旦晚起五夜早眠六凡六物焚以神火下以氣符蘊於胸中七日然後納諸方寸脩之一時近能數其目睫遠視尺筮之餘長服不已洞見牆壁之外非但明目乃亦延年

晉書

四聲本草掌禹錫曰唐蘭陵處士蕭炳誤取本草藥

名上一字以平上去入四聲相從以便討閱凡五卷進士王收序之

本草序例

康祖熱劑 宗序冷服

時康祖患心漏二十年當胸數竅血液常流屢訪名醫皆云不可治又積苦腰痛行則僂僕韓子温為檢聖惠方腰痛門冷熱二証方示之俾自擇焉康祖自以年老羸弱取其熱劑用鹿茸附子鹽花三分為末棗肉丸之每服三十九空心酒下服之月餘腰屈復伸心漏隨愈且精力倍昔

夷堅志

明劉宗序善醫葑門仰同知璇喜看方書凡遇家人

有病輒自料理其妙六月間勞倦中暑自用六和湯
 香薷飲之類反加虛火上升面赤身熱後邀劉宗序
 診視六脉疾數三部豁大而無力劉曰此病先因中
 氣不足內傷瓜果生物致內虛發熱非六和香薷所
 能治療况夏月伏陰在內重寒相合此為陰盛隔陽
 之証急用補中益氣湯加附子三錢煨乾薑一錢同
 煎置水中浸冷服之其夜得熟寐至天明微汗而愈
 仰拜謝曰伏陰之說已領教矣但不解以藥水之何
 也劉曰此即內經熱因寒用寒因熱用之義何難之
 有仰大歎服

續醫說

莫生取鉤

閻氏出鱖

宋咸平中職方魏公在潭州有數子弟皆幼因相戲
 以一釣竿垂鉤用棗作餌登陸釣雞雛一子學之而
 誤吞其鉤至喉中急引乃鉤以鬚逆不能出諸醫不
 敢措手魏公大怖時本郡有一莫都料性甚巧令聞
 魏公公遂召莫都料至沈思時久言要得一蠶蠶及
 大念珠一串公與之都料遂將蠶剪如錢大用物權
 四面令軟以油潤之仍中通一竅先穿上鉤線次穿
 數珠三五枚令兒正坐開口漸添引數珠挨之到喉
 覺至繫鉤處乃以力向下推其鉤以下而脫即向

上急出之見蠶錢向下裏定鈎線鬚而出並無所損
魏公大喜遂賂之公曰心明者意必大巧意明者心
必善醫名醫錄

宋咸平中有軍士嘗中流矢自頰貫耳衆醫不能取
醫官閻文顯以藥傳之信宿而鏃出上喜其能命賜
緋宋史

范蠡御桂 王喬服菊

范蠡好食桂飲水賣藥世人見之贊曰范蠡御桂心
虛志遠受業師望載潛載侷龍見越卿功遂身退脫
履千金與道舒卷列仙傳

王子喬變白增年方用甘菊三月上寅日采苗名曰
玉英六月上寅日采葉名曰容成九月上寅日采花
名曰金精十二月上寅日采根莖名曰長生四味並
陰乾百日取等分以戌日合擣千杵為末每酒服一
錢匕或以蜜丸梧子大酒服七丸一日三服百日輕
潤一年髮白變黑服之二年齒落再生五年八十歲
老人變為兒童也玉函方

月堂準繩 東壁綱目

明王宇泰字月堂號損菴又號念西居士金壇人嘉
靖丙寅母疾病常潤名醫延致殆徧人人殊宇得要

領心甚陋之於是銳志學醫著證治準繩明醫小史

明李時珍字東璧號瀕湖楚蘄陽人言聞之子也幼

多羸疾質成鈍錐長耽典籍若啖蔗飴歲歷三十年

書攷八百餘家著本草綱目五十二卷會西蜀陳文

獻公請修一代正史有詔求天下遺書子李建元一

進之閣下天子為報聞書藏文淵閣云同上

寇奭六失 張銳十全

宋寇宗奭政和間授承直郎澧州司戶撰成本草二

十卷醫學源流夫病不可治者有六失失於不審失於不

信失於過時失於不擇醫失於不識病失於不知藥

十全出 周禮

六失之中有一於此即為難治非止醫家之罪亦病

家之罪也本草衍義

成州團練使張銳字子剛以醫知名居干鄭州紹興

中流落入蜀王相叔堅問之曰公之術古所謂十全

者幾是歟曰未也僅能七八耳吾長子病診脉察色

皆為熱極命煮承氣湯欲飲之將飲復疑至于再三

將遂飲如有掣吾肘者姑持盃以待兒忽發顛悸覆

綿衾至四五始稍定汗下如洗明日而脫然使吾藥

入口則死矣安得為造妙世之庸醫學方書未知萬

一自以為足吁可懼哉夷堅志

李挺入門 嘉謨蒙筌

明李挺字文清號健齊南豐人萬曆間著醫學入門
七卷明醫小史

明陳嘉謨字廷采號丹崖祁門人其性朴茂以質行
聞又旁通文雅即懸壺於市中每遇清夜宴坐對月
朗吟因自號月明子著本草蒙筌十二卷同上

原禮要訣 天氏正傳

戴思恭字原禮以字行務州浦江人也家世儒業究
心醫術而志在澤物少隨父堯徒步至烏傷從朱丹
溪先生游先生見其穎悟絕倫乃盡授其術原禮以

之治療諸病逞逞奇驗當時游丹溪之門者弟子頗
多惟原禮父子最得其傳父蚤卒原禮盛行于浙之
東西晚年遭際聖明以名醫被徵為御醫積官至太
醫院使宋學士景濂有文贈之亟稱其醫術之妙非
一時諸人可及平生著述不多見僅有訂正丹溪先
生金匱鈎玄三卷間以己意附著其後又有證治要
訣證治類方類證用藥總若干卷皆彙括丹溪之書
而為之君子以為無愧師門云醫史

明虞搏字天氏號恒德老人花溪人曾叔祖誠齊與
丹溪居同鄉亦以其術鳴故祖父相承家傳之學因

得丹溪之傳著醫學正傳八卷大行于世名醫傳畧

劉元赤水 蒯京玉泉

劉元丹法以丹砂內玄水液中百日紫色握之不汗手又和以雲母水內管中漆之投井中百日化為赤水服合得百歲久服長生也抱朴子

道人蒯京已年一百四十八而甚丁壯言人當朝朝服食玉泉琢齒使人丁壯有顏色去三蟲而堅齒玉泉者口中唾也朝旦未起早漱令滿口乃吞之琢齒二七遍如此者乃名曰練精千金方

公綽醫箴 彥博藥準

唐柳公綽大醫箴云天布寒暑不私於人品類既一高卑以均人謹好愛能保其身清靜無瑕輝光以新寒暑滿天地決肌膚於外好愛在耳目誘心知於內端潔為堤奔射猶敗氣行無間隙不在大謂天高矣氛蒙晦之謂地厚矣橫流潰之飲食資身過則生患衣服稱德侈則生慢唯過與侈心必隨之氣與心流疾乃伺之畋遊恣樂流情蕩志馳騁勞形叱吒傷氣不養其外前修所忌人乘氣生嗜慾以萌氣離有患氣完則成巧必喪真智實誘情醫之上者理於未然患居慮後防處事先心靜樂行體和道全克施萬物

醫學綱目卷之十一

以享億年聖人在上各有攸處臣司大醫敢告諸卿

唐書藥准十一卷陳氏曰潞公文彥博寬夫撰所集方寸四十首以為依本草而用藥則有準故以此四十方為處方用藥之準也文獻通考

史脫黃疸 董汲斑疹

晉史脫者不知何郡人器性沈敦志行敦簡善診候明消息多辨論以醫精專極療工奇拜太醫校尉治黃疸病是為高手醫說

宋董汲字及之東平人撰脚氣治法一卷又撰小兒

斑疹論一卷文獻通考

應璩三叟 魯直四印

魏應璩詩曰昔有行道人陌上見三叟年各百餘歲相與鋤禾莠往拜問三叟何以得此壽上叟前致詞室內姬麗醜二叟前致詞量腹接所受下叟前致詞暮卧不覆首要哉三叟言所以壽長久遵生八牋

宋黃魯直四印云我提養生之四印居家所有更贈君百戰百勝不如一忍萬言萬當不如一默無可揀擇眼界平不藏秋毫心地直我肱三折得此醫自覺兩踵生光輝蒲團日靜鳥吟時爐爇一炷試觀之四

醫學綱目卷之十一

休四印、老少富貧、無量無邊、普同供養。同上

楊倓 蟻 仲賓 蚯 蚓

箭鏃入骨不可移者、楊氏家藏方、用巴豆微炒、同蟻
蜋搗塗、斯須痛定、必微痒、忍之、待極痒不可忍、乃撼
動、拔之、立出、此方傳於夏侯、鄆初為閬州、有人額
有箭痕、問之、云從馬侍中征田悅、中箭、侍中與此藥
立出、後以生肌膏傳之、乃愈、因以方付鄆、云凡諸瘡
皆可療也、鄆至洪州、逆旅主人妻患瘡、呻吟、用此立
愈。本草綱目

明蔣仲賓江陰人、精於醫、後來吳中、人未知、有老

兵行泣道上、問之、曰、吾子為鬼魅所憑、醫莫能治、今
垂絕矣、仲賓往視之、其子方裸體、瞳目大詬、且歐人、
不可近、仲賓即令其家取大蚯蚓數十條、搗爛、投水
中去泥、以水遙示病者、病者見水、遽起、持飲、未盡、帖
然安卧、更與藥、瀉之、而愈、由是名著吳下。半軒文集

沈括 靈苑 李筌 陰符

靈苑方二十卷、晁氏曰、沈括存中撰、存中博學通醫
術、本朝士大夫如高若訥、林億、孫奇、龐安常皆以善
醫名世、而存中尤善方書、此書所載多可用。文獻通考
唐李筌者、號少室山達觀子、於嵩山虎口岩石壁得

黃帝素問陰符經本題云魏道士寇謙之傳諸名山至驪山老姥傳其說醫學入門陰符三百言百言演道百言演法百言演術李筌曰上有神僊抱一之道中有富國安民之法下有強兵戰勝之術珠紺

顧俊孝友 沈鶴義夫

明顧俊字時雍長州人世業醫早以孝友聞不專祖上世一以丹溪為主醫學入門

明沈鶴字壽祥揚州昭陽人家世醫通軒岐及仲景河間術恫瘼切身勤於活人名齒公卿年未四旬喪偶不娶有司扁其門曰義夫同上

樊阿青黏 道開茶蘗

彭城樊阿從華佗學阿善針術凡醫咸言背及胸藏之間不可妄針針之不過四分而阿針背入一二寸巨闕胸藏針下五六寸而病輒皆瘳阿從佗求可服食益於人者佗授以漆葉青黏散漆葉屑一升青黏屑十四兩以是為率言久服去三蟲利五藏輕體使人頭不白阿從其言壽百餘歲漆葉處所而有青黏生於豐沛彭城及朝歌云魏志
晉單道開煌敷人常衣鹿褐不畏寒暑晝夜不卧日服鎮守藥數丸大如梧子藥有松蜜薑桂茯苓之氣

時復飲茶蘓一二升而已自言能療目疾就療者頗驗視其行動狀若有神晉書

叔謙南藤 徐熙胡胤

解叔謙母疾夜於庭聞空語曰得丁公藤為酒便差訪醫及本草注無識者乃至宜都郡見山中老公伐木問所用答曰此丁公藤療風尤驗叔謙拜伏流涕具言來意此公愴然以四段與之并示漬酒法叔謙受之顧視此人不復知處依法為酒母病即差南史藤即丁公藤也本草綱目

宋徐熙好黃老隱於秦望山有道士過求飲留一瓢

徐熙諸書所載有異同今從本傳

胤與之曰君子孫宜以道術名世當得二千石熙開之乃扁鵲鏡經一卷因精心學之遂名震海內生子秋夫彌工其術仕至射陽令南史胤作胡醫統

和論六氣 緩察二豎

晉平公求醫於秦秦伯使醫和視之曰疾不可為也是謂近女室疾如蠱非鬼非食惑以喪志良臣將死天命不祐公曰女不可近乎對曰節之先王之樂所以節百事也故有五節遲速本末以相及中聲以降五降之後不容彈矣於是有煩手淫聲怡埤心耳乃忘平和君子弗聽也物亦如之至於煩乃舍也已無

以生疾。君子之近琴瑟，以儀節也。非以怡心也。天有六氣，降生五味，發為五色，徵為五聲。淫生六疾。六氣曰陰陽風雨晦明也。分為四時，序為五節。過則為菑，陰淫寒疾，陽淫熱疾，風淫末疾，雨淫腹疾，晦淫惑疾，明淫心疾，女陽物而晦時，淫則生內熱。蠱惑之疾，今君不節不時，能無及此乎？出告趙孟，趙孟曰：誰當良臣？對曰：主是謂矣。主相晉國，於今八年，晉國無亂，諸侯無闕，可謂良矣。和聞之，國之大臣，榮其寵祿，任其大節，有菑禍興而無改焉，必受其咎。今君至於淫，以生疾，將不能圖恤社稷禍孰大焉？主不能禦，吾是以

云也。趙孟曰：何為蠱？對曰：淫溺惑亂之所生也。於文，四蟲為蠱，穀之飛亦為蠱。在周易，女惑男，風落山，謂之蠱，皆同物也。趙孟曰：良醫也，厚其禮而歸之。左傳晉景公疾病，求醫于秦，秦伯使醫緩為之，未至，公夢疾為二豎子，曰：彼良醫也，懼傷我，吾逃之。其一曰：居肅之上，膏之下，若我何？醫至，曰：疾不可為也。在肅之上，膏之下，攻之不可，達之不及，藥不至焉，不可為也。公曰：良醫也，厚為之禮而歸之。同上

秦觀黃連

宗元鐘乳

宋秦觀論黃連書，觀比聞公以眼疾，餌黃連，至十數

兩猶不已不知果然否審如所聞殆不可觀項年血氣未定頗好方術之說讀醫書數年嘗記釋者云服黃連苦參久而反熱甚以為不然後乃信之蓋五味入胃各歸其所喜故酸先歸肝苦先歸心甘先歸脾辛先歸肺鹹先歸腎入肝則為溫入心則為熱入肺則為清入腎則為寒入脾則為至陰而血氣兼之皆謂增其氣不已則臟氣有所偏勝有所偏勝則必有所偏絕黃連苦參性雖大寒然其味至苦入胃則先歸於心久而不已則心火之氣勝火勝則熱乃其理也眼疾之生本於肝之熱肝與心為子母夫心為子

乖宜二字權從
稼翁四
家馬

肝為母心火也肝亦火也腎孤臟也人嘗患一水不勝二火今病本於肝而久餌苦藥使心有所偏勝是所謂以火救火命之曰益多其不可亦明矣夫藥所以療疾其過也適所以為疾聞比初作時十已損其七八正宜節藥慎獲飲食以俟其自平非如决疣潰癰可以忽然一朝去也輒具以進惟留意而聽之無忽

淮南集

唐柳子厚與崔連州書曰宗元白前以所致石鍾乳非良聞子敬所餌與此類又聞子敬時憤悶動作乖宜以為未得其粹美而為麤礦燥悍所中懼傷子敬

醫國抄卷之四
醫學

醇懿仍習謬誤故勤勤以云也再獲書辭辱徵引地
理證驗多過數百言以為土之所出乃良無不可者
是將不然夫言土之出者固多良而少不可不謂其
咸無不可也草木之生也依於土然即其類也而有
居山之陰陽或近水或附石其性移焉又况鍾乳直
產於石石之精粗疎密尋尺特異而穴之上下土之
厚薄石之高下不可知則其依而產者固不一性然
由其精密而出者則油然而清炯然而輝其竅滑以
夷其肌廉以微食之使人榮華溫柔其氣宣流生胃
通腸壽善康寧心平意舒其樂愉愉由其麤疎而下

者則奔突結澁乍大乍小色如枯骨或類死灰淹頰
不發叢齒積類重濁頑璞食之使人偃蹇壅鬱泄火
生風戟喉癢肺幽關不聰心煩喜怒肝舉氣剛不能
和平故君子慎焉取其色之美而不必唯土之信以
求其至精凡為此也幸子敬餌之迹不至於是故可
止禦也州柳柳集

仲堪眇目 文修割股

晉殷仲堪者陳郡人能清言善屬文每云三日不讀
道德論便覺舌本間強父病積年仲堪衣不解帶躬
學醫術究其精妙執藥揮淚遂眇一目

按世說
注作誤
以藥手
拭目

宋楊文修字中理，涪人性純孝，因母病遂去舉業，讀
軒岐氏書，藥不効，割股和髓粥以進，母疾即起，母死
廬墓，有群鳥隨，文修起止，府縣旌表，其宅修曰，某之
事親不足以起名哉，朱文公就見，與談性理及天文
地理醫學之書，竟夕乃去，晚年著醫衍二十卷，編地
理撥沙經圖，卒，年九十九，醫學入門

慈濟黑錫 錢乙黃土

宋慈濟，僑居丹陽普定寺，嘗遇異人，授黑錫丹方，洞
明醫道，察脉如神，與張濟同以醫名天下，醫說
宋錢乙字仲陽，錢塘人，父顯善針醫，然嗜酒，一旦匿

姓名，游東海不歸，乙時三歲，隨母嫁醫呂氏，稍長，從
呂君問醫，母將沒，告以家世，乙號泣請往，述父三十
餘年往返六次，迎父以歸，於書無所不窺，年八十二
而終，著傷寒指微論五卷，嬰兒百篇，乙始以顛顛方
著名，至京師，視長公主女疾，授翰林醫學，神宗時，皇
子儀國公病瘵，瘵國醫莫能治，乙進黃土湯而愈，神
宗召問黃土所以瘵斯疾狀，對曰，以土勝水，木得其
平，則風自止，且諸醫所治瘵瘵，乙小臣適當其瘵耳，
帝悅其對，擢大醫丞，賜金紫，宋史

洪濟指南 希賜拜西

醫學指南 卷之十一 醫學

宋許洪嘉定中仕大醫助教差充四川總領所檢察
惠民局嘗增校和劑局方具註本草藥性於方藥逐
品之下附吳直閣等得効名方及諸局經驗秘方又
編次和劑指南總論醫學源流

宋許希開封人以醫為業補翰林醫學景祐元年仁
宗不豫侍醫數進藥不効人心憂恐冀國大長公主
薦希希診曰鍼心下包絡之間可亟愈左右爭以為
不可諸黃門祈以身試試之無所害遂以鍼進三鍼
而帝疾愈命為翰林醫官賜緋衣銀魚及器幣希拜
謝已又西嚮拜帝問其故對曰扁鵲臣師也今非臣

之功殆臣師之賜安敢忘師乎乃請以所得金與扁
鵲廟帝為築廟于城西封神應侯其後廟益完學醫
者歸趨之因立太醫局于其旁希至殿中省尚藥奉
御卒神應鍼經要訣行于世其子宗道至內殿崇班

宋史

咎生刺柑 邢子進梨

唐韋臯鎮成都有柑大如斗欲以進醫者皆殿在坐
固持不可請以針刺其蒂流血霑席駭而剖之乃兩
頭蛇也可不戒哉太平廣記
紫花梨療心熱唐武宗有此疾百藥不効青城山邢

道人以紫梨絞汁進之帝疾遂愈復求之不可得常山郡忽有一株因緘封以進帝多食之解煩燥殊効歲久木枯不復有種今人不得而用之矣

本草綱目

大用水蛭 梁新竹雞

寧國衛承務之子忽得疾羸瘦如削醫以為療治療無益劉大用問其致疾之因曰嘗以六月飲娼家醉卧卓上醒渴求水不得前有菖蒲盆水清潔舉而飲之自是疾作劉默喜密遣僕掘田間淤泥以水沃濯取清汁兩盃置几上令隨意飲衛子素厭疾苦不以穢為嫌一飲而盡俄腸胃間攻轉攪刺久之始定續

投以宣藥百粒隨即洞泄下水蛭六十餘條便覺襟抱豁然劉曰此盖盆中所誤吞也

夷堅志類編

唐崔魏公鉉夜暴亡召良醫梁新診之曰食毒僕曰常好食竹雞新曰竹雞多食半夏苗必是半夏毒乃命搗生姜汁而灌之即活

醫學源流

遵道溶蠟 元達粉犀

明劉遵道州憲先生族弟有漁人誤吞鈎鈎遵道令溶蠟為丸以線灌下鈎鈎入蠟即曳而出

醫學入門

諸藥中犀最難搗必先鎊屑乃入眾藥中搗之眾藥篩羅已盡而犀獨在余偶見一醫僧元達為解犀為

小塊方半寸許，以極薄紙裹置懷中，使近肉，以人氣蒸之，候氣蒸薰，決冷乘熱投口中，急擣，應手如粉，因知人氣能粉犀也。今醫工莫有知焉。歸田錄

孝伯九鹽 晉臣八疾

魏世祖遣賜義恭駿等，各一領鹽，各九種，并胡豉。李孝伯曰：凡此諸鹽，各有所宜。白鹽食鹽，主上自所食。黑鹽療腹脹氣滿，末之六銖以酒而服。胡鹽療目痛，戎鹽療諸瘡，赤鹽駁鹽臭鹽馬齒鹽四種，並非食鹽。北史

晉文公問於晉臣曰：吾欲使陽處父傳謹也，而教誨

之，其能善之乎？對曰：是在謹也。遂綵不可使悅，戚施不可仰，僬僥不可使舉，侏儒不可使援，矇矓不可使視，嚚瘖不可使言，聾聵不可使聽，僂昏不可使謀，質將善而賢良贊之，則濟可族也。若有違質，教將不入，其何善之為？公曰：然則教無益乎？對曰：胡為文益其質，故人生而學，非學不入。公曰：奈夫八疾何？對曰：官師之所材也。戚施直，鑄，遂，綵，蒙，矓，侏，儒，扶，盧，矇，矓，修，聲，聾，聵，司，火，僂，昏，嚚，瘖，僬，僥，官，師，所，不，材，也。國語

史生紫苑 莫氏紅橘

宋史堪字載之，蜀人，撰指南方二卷。蔡元長苦大便

秘國醫用藥俱不能通利蓋元長不肯服大黃故也
時史載之未知名往謁之聞者齟齬久之乃得見既
而診脉史欲出奇曰請求二十文錢元長問何為曰
欲市紫苑耳史遂以紫苑末之而進須臾大便遂通
元長驚異詢其故曰大腸肺之傳送今之秘訣無他
以肺氣濁耳紫苑能清肺氣是以通也自此醫名大
著元長深敬服續醫說

莫強中令豐城時得疾凡食已輒胸滿不下百方不
效偶家人合橘紅湯因取膏之似相宜連日飲之一
日忽覺胸中有物墜下大驚目瞪自汗如雨須臾腹

痛下數塊如鐵彈子臭不可聞自此胸次廓然其疾
頓愈蓋脾之冷積也其方用橘皮去白一斤甘草鹽
花各四兩水五椀漫火煮乾焙研為末白湯點服名
二賢散治一切痰氣特驗泊宅編

陳攷服棗 籓轍食栗

漢道士陳攷如痴人江夏袁仲陽敬事之攷曰今春
當有疾可服棗核中仁十七枚後果大病服之而愈
又云常服棗仁百邪不復干也仲陽服之有效則棗
果有治邪之說矣劉根別傳
宋蘓子由詩云老去自添腰脚病山翁服栗舊傳方

客來為說晨興晚三咽徐收白玉漿此得食粟之訣也本草綱目

薛己十六 王璆百一

明薛己字新甫號立齋吳郡人性資敏穎見識聰明於醫極精故謂十三科要皆一理因見外科之醫固執局方不循表裡虛實經絡之宜而誤入者衆遂大發所蘊皆以內外合一之道對證處方隨手而愈嘉靖初徵為大醫院使著有外科精要婦人良方明醫雜著小兒痘疹方傷寒金鏡錄原機原微小兒直訣以上七種諸家著述薛己校正補註薛己良武編集薛己治驗內科摘要

女科撮要外科樞要口齒類要正體類要保嬰粹要癘瘍機要保嬰金鏡錄以上八種薛己編著謂之十六種明醫小史是齋百一選方三十卷陳氏曰山陰王璆孟玉撰百一言其選之精也文獻通考

盛母蟻螯 顏嫂蚘蛇

晉盛彥字翁子廣陵人母王氏因疾失明彥不應辟召自侍養母食必自哺之母既疾久至於婢使數見捶撻婢忿恨伺彥齎行取蟻螯炙飴之母食以為美然疑是異物密藏以示彥彥見之抱母慟哭絕而復蘇母目豁然即開仕吳中書侍郎吳平為小中正晉書

晉顏含字弘都琅邪華人二親既終兩兄繼沒次嫂
樊氏因疾失明含課勵家人盡心奉養每日自嘗省
藥饌察問息耗必簪屢束帶醫人疏方應須蚺蛇膽
而尋求備至無由得之含憂歎累時嘗晝獨坐忽有
一青衣童子年可十三四持一青囊授含開視乃蛇
膽也童子逡巡出戶化成青鳥飛去得膽藥成嫂病
即愈晉書

吳球蛆蟲

趙巒蝦蟆

明吳球所著諸證辨疑錄曰有一人過飲甚醉宿外
軒夜半酒渴欲飲不得遂就石礮中喫水天明起視

礮中有小紅蛆而驚鬱鬱不散自覺心中有蛆胃脘
閉塞漸成痿隔遍請醫調治不愈延予診視予乃悟
其疑心生病用紅絨線分開剪斷如紅蛆狀用巴豆
二粒同飯搗爛入線丸如十數丸暗室中服之須臾
泄瀉藥蕩滌如蛆令病人親視其病即痊本吳球括
蒼菱山人著諸證辨疑錄四卷名醫傳畧

宋趙巒晉陽山人善診候汾州王氏得病右脇有聲
如蝦蟆常欲手按之不則聲聲相接群醫無能辨巒
曰此因驚氣入干臟腋不治而盛故常作聲王氏曰
因邊水行次有大蝦蟆躍高數尺驚作一聲王氏忽

驚叫便覺右脇牽痛自後作聲尚似蝦蟆也巒乃與六神丹服之來日取下青涎類蝦蟆之衣遂差巒言診王氏脉右關脉伏結積病也故止作積病治用六神丹泄之而愈醫說

神應八處 濟生四花

明陳會所撰神應經曰成化九年癸巳孟冬日本國畠山殿所使副官人信州隱士良心言我國二百年前有兩名醫一為和氣氏一為丹波氏此二醫專治癰疽疔瘡癩瘰等瘡定八處灸法甚有神效本序畧曰有日本釋良心以神應經來獻兼傳其本國

神醫和介氏丹波氏治癰疽八穴法其八穴雖未試用神應經其傳授遠有所自聖上嘉歎命以八穴法

付於神應經之末序韓繼毀梓廣布且以永其傳禧所撰

四花六穴灸法出濟生方嚴用和曰崔丞相灸勞法

外臺秘要崔相家傳方及王審呂經驗方悉編載然皆差誤毘陵郡有石刻最詳予取諸本參校成此一

書比古方極為委曲依此治人未嘗不驗往往一灸而愈予在宣城久病虛羸亦用此而愈本嚴用和廬

山人咸淳間作濟生方論十卷醫源流丹臺先生曰如灸處取穴法畧而不載各就其本

書而正之可也。蓋崔氏灸法出外臺祕要，今從嚴氏者，以正其差誤，且其法詳也。又按唐志載骨蒸病灸方一卷，崔氏纂要一卷，崔知悌撰之目。

呂復倒植 古老正斜

元末四明有呂復，別號滄洲翁，深於醫道。呂東萊之後，其先河東人，後徙婺，徙鄞，習尚書周易，後以母病，攻岐扁術，師事鄭禮，受讀一年，診治効無不神。臨川道士蕭雲泉眼中視物皆倒植，請治于復。復問其因，蕭曰：某嘗大醉，盡吐所飲酒，熟睡至天明，遂得此病。復切其脉，左關浮促，即告之曰：嘗傷酒，大吐時，上焦

反復致倒其膽腑，故視物皆倒植。此外因而致內傷者也。法當復吐，以正其膽，遂以藜蘆瓜蒂為麤末，用水煎之，使平旦頓服，以吐為度。吐畢，視物如常。九靈山房集

金陳吉老，淮安人，儒醫也。有富翁子忽病，視正物皆以為斜。凡几案書冊之類，排設整齊，必更移令斜，自以為正。以至書寫尺牘，莫不皆然。父母甚憂之，更歷數醫，皆不諳其疾。或以吉老告，遂携子往求治。既診脉，腹令其父先歸，留其子，設樂開宴，酌勸無筭。至醉乃罷，扶病者坐轎中，使人舁之高下其手，常令傾側。

展轉久之方令登榻而卧達旦酒醒遣之歸家前日斜視之物皆理正之父母躍然而喜且問治之方吉老云令嗣無他疾醉中嘗閃倒肝之一葉搭于肺上不能下故視正物為斜今復飲之醉則肺展轉之間肝亦垂下矣藥亦安能治之哉富翁厚為之酬

雲麓漫抄

景元贊苓 肩吾啓朮

南宋王微秩苓讚皓苓下居披紛上蒼中狀雞鳧具容龜紫神侔少司保延幼艾終志不移柔紅可佩

記景元王微字

梁庾肩吾答陶隱居賚朮煎啓云綠葉抽條紫花標色百邪外禦六府內充山精見書華神在錄朮榮火謝盡采擷之難啓且移申窮淋瀝之劑又謝朮蒸啓云味重金漿芳踰玉液足使坐致延生伏深銘感

類證

安時敗扇 九思新筆

宋張子充聞蘄水道人龐君安常以醫聞淮甸往從之遊一日丐者扣門自言為風寒所苦龐君令以藥濟之丐者問當用何湯使龐君見其手執敗扇指以此煎湯調所服之藥公初不省其意乃曰豈非本草

所謂敗扇能出汗者乎。龐曰：然。公辭歸，嘆曰：龐君用藥則善矣。醫說一作敗蒲扇。

宋仁宗嘉祐中有太傅程公守於江夏，因母之暴疾，喉中患癰，卒然而長，氣塞不通。命醫者，止可用藥治之，勿施鍼以損之。衆醫不敢措治，召醫博士范九思云：有藥可療，須用未使新筆點之，癰便差。公遂取新筆與之。九思乃以點藥上癰，藥到則有紫血頰出，漸氣通而差。公曰：此達神聖之妙矣。命九思飲而求其方。九思大笑曰：其患熱毒結於喉中，塞之氣不宣通，病危甚。公堅執用藥不可鍼。若從公意，則必誤命。九

思曾用小針藏於筆頭中，妄以點藥，乃鍼破其癰而効也。若非此，何紫血隨手下也。公方省而歎，且善之。

醫學源流

張苗桃葉

廷紹楮實

晉陳廩丘云：或問得病連服湯藥發汗，汗不出，如之何。答曰：醫經云：連發汗，汗不出者，死病也。吾思之，可蒸之。如蒸中風法，熱溫之氣於外，迎之，不得不汗出也。後以問張苗，苗云：曾有人作事疲極，汗出，卧單簟中，冷得病，但苦寒倦，諸醫與圓散湯，四日之內，凡八過發汗，汗不出。苗令燒地布桃葉，蒸之，即得大汗於

彼中就粉傳身使極燥乃起便愈後數以此發汗汗皆出也人性自有難汗者非惟病使其然也烝之則無不汗出也千金方

南唐吳廷紹為大醫令先主因食飴喉中噎醫莫能為廷紹獨謂當用楮實湯一服疾良已馮延巳苦腦中痛廷紹密謂厨人曰相公平日嗜何等曰多食山雞鷓鴣廷紹曰吾得之矣治以甘豆湯亦愈或叩之答曰噎因甘起故以楮實湯治之山雞鷓鴣皆食烏頭半夏故以甘豆湯除其毒耳聞者大服江表志

龔信醫鑑

江喆藥室

明龔信字瑞芝號西園江西金谿人世業醫為大醫

院醫官著古今醫鑑本

宋江喆字明遠婺源人以醫名家十五世喆益通儒書務以其術活人則大所居為施藥室杭層樓扁以登雲遠近病者群集一劑輒瘥理宗召至賜坐屢官之不願賜宅一區其子世良為供檢郎其孫雷舉進士醫學入門

吉甫御頤

君卿疾疢

唐德宗皇帝貞元十二年二月十三日上製貞元集要廣利方五卷頒于天下摠六十三種五百八十六

首親製序李吉甫有疾帝為御通化門祖道賜御餽

禁方唐書

漢樓護字君卿齊人父世醫也護少隨父為醫長安出入貴戚家護誦醫經本草方術數十萬言長者咸愛重之共謂曰以君卿之材何不官學乎絲是辭其父學經傳為京兆吏數年甚得名譽是時王氏方盛賓客滿門五侯爭名其客各有所厚不得左右唯護盡入其門咸得其驩心結士大夫無所不傾其交長者尤見親而敬眾以是服為人短少精辨論議常依名節聽之者皆竦與谷永俱為五侯上客長安號曰

谷子雲筆札樓君卿唇舌仕至廣漢太守王莽專政召為前輝光漢書五侯競致奇膳護乃合以為鯖世盛稱五侯鯖以為奇味焉西京雜記

伯仁鬼胎 任度蛇形

元滑壽字伯仁許昌人性警敏習儒日記千言操筆為文辭溫雅有法尤長於樂府受王居中習醫而理識契悟過之江南諸醫未能或之先也傳鍼法於東平高洞陽著素門鈔難經本義十四經發揮仁孝廟之祝揚天成女薄暮遊廟廡見黃衣神心動是夕夢與之交腹漸大而若孕邀伯仁治診之曰此鬼胎也

其母道其由與破血墮胎之藥下如科斗魚貝二斗許遂安十四經序

隋任度不知何許人老醫也有患者嘗飢而吞食則下至胸便即吐出醫作噎疾膈氣翻胃三候治之無驗任視之曰非此三疾蓋因食蛇肉不消而致此病但揣心腹上有蛇形也病者曰素有大風嘗求蛇肉食風稍愈復患此疾矣遂用硝黃合而治之微利則愈醫皆記其驗而知蛇痕也醫學入門

范益察妖

秋夫通靈

元范益燕京人醫甚精尤神于脉年七十時有老嫗

居西山請診其女益以倦騎乘為辭嫗出頃之携二少女至益診而詰之曰此非人脉乃妖質耳嫗跪告曰妾本狐類久住世間得日月之精氣故能變幻人形二女偶患疾苦知君仁厚存活為心故敢求藥君既洞察詎敢欺乎益遂與藥隨扣其所以往來禁城如入無人之境何也嫗曰此時真主以在濠梁京城諸神俱以往彼是故得以出入也逾年太祖果克燕京元帝北遁古今醫統

劉宋徐秋夫仕至射陽令嘗夜有鬼呻吟聲甚悽愴秋夫問何須答言姓某家在東陽患腰痛死雖為鬼

痛猶難忍請療之秋夫曰云何厝法思請為芻人按孔穴鍼之秋夫如其言為灸四處又鍼肩井三處設祭埋之明日見一人來謝忽然不見當世服其通靈

史南

子厚周易 玄平孝經

江西醫士黃子厚為術精詣其治徃徃出人意表有富翁病泄瀉彌年禮致子厚診療浹旬莫效子厚曰予未得其說求歸一日讀易至乾卦天行健朱子有曰天之氣運轉不息故閣得地在中間如人弄梳珠只運動不住故在空中不墜少有息則墜矣因悟向

者富翁之病乃氣不能舉為下脫也又作字持水滴吸水初以大指按滴上竅則水滿筒放其按則水下溜無餘乃豁然悟曰吾可治翁證矣即治裝徃翁家驚喜至即為治灸灸百會穴未三四十壯泄瀉止矣

朱石文集

顧歡字景恬一字玄平吳興鹽官人也家世寒賤父祖並為農夫歡獨好學夕則然松節讀書或然糠自照及長篤志不倦遂隱不仕於剡天台山開館聚徒受業者常近百人有病邪者問歡歡曰家有何書荅曰唯有孝經而已歡曰可取仲尼居置病人枕邊恭

古文孝
經作仲
尼間居

敬之自差也而後病者果愈人問其故答曰善攘惡正勝邪此病者所以差也史南

醫林翹翹 伐柯不易

醫之為業或出乎聖智賢才或傳於仙游逸隱中古至元明世不乏其人豈以技藝觀哉然搜楠擣櫟翹翹繁錯伐柯視之以擇其財用固非易事也

將闢茅塞 何必求備

一日不學茅塞爾心學期於成事費不止一簣之積太山可移摩厲之極鍊研可磷醫林採芳比辭對類非敢資乎老成庶幾乎蒙士之一助矣

醫林蒙求卷下

昔先人丹臺君刀圭餘力潛心文辭著作任頗多矣壬子之歲偶羅疾自知不起令貞輯平生之漫筆及詩文若干篇以屬於父衡嶽先生此編亦係其中矣爾後先生屢從 侯駕于紀陽職事靡監未遑刊之今歲先生會在東邸稍得官暇乃先取此編使博甫校訂以上梓自夏至冬剞劂始成矣嗚呼自先人指館舍殆一季于此百爾感懷喜悲交集聊題數語以記日月云于時

文化元年甲子冬日

樋口元貞謹識



